

求恕齋
叢書

雪橋詩話餘集

六

1207
443

皇朝詩林

皇朝詩林

雪橋詩話餘集卷第六

遼陽楊鍾義撰集

吳興劉承幹參校

致齋相國有嘉樂堂詩集已未上元夜獄中對月云夜色明如許嗟余困不伸百年原是夢廿載枉勞神室暗難挨曉牆高不見春星辰環冷月縲絏泣孤臣對景傷前事懷才誤此身餘生料無幾空負九重仁其夫人馮以戊午二月前卒夢堂相國孫女也子潤圃居士尙士公主生於乙未之燕九日猶及見夢堂嘉慶己巳追和曾外祖乙未詠雪詩韻云昔逢織女笑握手袖纔舉友

帝忽赫怒謫罰墮絃綺懵然如達生
唬嘶淚似雨支幹加縶縛欲坐不能起
茫茫人海中太倉增一黍瞑臥悟前因
恍焉知所止靈覺性以寄形骸體斯委
從茲逞識神紛綸炫奇傀時被魔障牽
惟將定慧倚少壯志遠大羨鵬九萬里
豈料風浪惡顛蹶忽今此靜念平生遇
可悲復可喜人事福難希天爵力堪取
坦蕩率吾真康莊何所阻但傷忠孝心
無能萬一補他時返故鄉眷屬應倒屣
重逢寶蓮華燦敷功德水永劫奉君親
方完吾願耳潤圃以庚午卒無子其叔
父宣勇伯和琳故塋照公爵所建己未
後不敢復用別遷劉村卽以此地爲潤

圃瑩兆思元主人輓詩復爲序其延禧堂詩鈔潤圃嘗
賜爵貝勒四開袂袍黃帶紫韁至是飾終典禮仍視上
公以見 仁宗之恩威並用而潤圃守身知命亦足多
云

杭州童鹿庵少失怙其母撫孤守節不下樓者十有五
年邵二雲修府志採其事以表苦節朱青湖爲作樓居
吟云江干老屋樓三楹以木支柱防敝傾童母守節子
未立家無儲粟空瓶罌鄰有老嫗亦早寡惻惻都是孤
寒者爲言苦節當同貞一居樓頭一樓下牀前設靈帷
牀後然土竈鎮日坐樓頭樓下跡如掃驕陽當窗欲爍

金我心如雪暑不侵北風中人欲砭骨我身如松凍不
折夜來獨對青松孤呼兒攤書依坐隅頻縫阿母手中
線爲憐兒體寒無襦一女襦祿泣呱呱中宵遺溺相叫
呼敲冰濯遺冰刺膚十指龜坼血模糊起視鑪中宿火
無兒呻母吟聲淚俱獨茹荼苦十五載吾友始得爲通
儒嗚呼此節誰能如

合浦李符清載園以癸卯孝廉試吏保定屢宰望縣翁
覃溪題其海門詩鈔有時和不識賦役繁數卷殘縑自
料理我攜邱侯墨囊物來與李生書笥比之句智伯墓
云晉陽宮殿已成塵終古荒墳傍水濱畢竟愛才知國

士趙亡無復報仇人

日歎巖自號千一叟有風子之目身後著作散佚鐵冶
亭爲之蒐輯乾隆戊申除英德尉留別京師諸友詩有
飽噉離支之語時翁覃溪視學江西以詩冊寄懷道出
南昌有話別詩云檠戟清門後詞章北地雄淩寒催叱
馭垂老倚征蓬樹色鄰江右川光接嶺東銜杯問詩思
先說荔支紅我昔磨崖字周夔說道難五谿寒舊翠萬
古碧秋瀾坡老題名在南山剔蘚看端應歎巖子一歎
響飛湍舊雨新知感楓亭荔渚旁人懷荆萼舍謂治亭
閩峰二
學帖話玉煙堂海甯陳君
時宰英德他日蘇齋夢拈花臘雪香海

天迴紫氣星斗聚南昌

漢軍王佑郊弼齋以舉人出令長樂邑試拔梁芷鄰爲
前茅芷鄰詩詎有梯榮具容登角藝場受知從此始初
地豈能忘終效羊公舞深慙陸氏莊呼空何以報遺愛
滿吳航亦閩中循吏也

劉松嵐東昌舟次寄兄云節候幾更移多年嗟遠離最
難遣愁處將欲到家時問友多新墓看花少故枝祇餘
江上月猶爲照深卮送青城劉明府歸通州云行色少
光輝身貧馬不肥宦囊賸吟卷民淚貯征衣落日歸程
暮寒山秋葉飛到家應閉戶接見世人稀法梧門所謂

清詩味得李少鶴者也先官廣西後官奉天陳燮堂題
其集有度遼更過十三山之句柳江上流通黔江山狹
勢逼易衝決乾隆甲辰五月江瀾驟溢勢危甚立水中
三晝夜督民衛護水愈猛乃矯提軍令傳六營將備集
兵三千有奇奮勇搶救城得無恙有長歌紀其事與黃
仲則不相識已酉識其友施雪帆於嶺外讀仲則詩十
餘首心爲之傾又七年客吳下得吳會英才集亦非全
本乃至都謁翁覃溪乃見鈔本八卷嘉慶丙辰再來都
下請於覃溪爲付梓亦風雅好事矣邊袖石謂高密派
上者規摹長江武功下者刻畫江湖四靈漁洋尊唐實

則波靡於元明高密亦尊唐實則皮傳乎殘宋此可爲
依傍門戶不克自拔者箴而於漁洋高密無軒輊也

高宗朝彭文勤供奉內廷者數十年劉金門受業彭門
文勤倚之若左右手入翰林後不二年卽超升學士凡
大著作無不與聞嘉慶五年清明祭 裕陵金門以講

臣預扈從尋擢太常卿 仁宗諭掌院學士曰劉某已

出衙門可令以卿職仍帶講官值駐蹕桃花寺日薄暮
宣至宮門閱軍報畢卽將獲賊事增敘入上陵祝文擬
二聯曰繆係兇渠已鼠窮於齧線鶻穿賊子更猥走而
伏槍絕禮辛鎮之炊愁聞泣釜斫何甲渠之馬僞獲影

纓續持咒獻賊句下頃刻譯進蒙獎敏速其館課哈密
瓜賦文勤愛賞之屬書便面而蕉雪爲之圖文勤題句
有西抹東塗廿年事老夫當讓一頭看之句瑤華主人
見而和之復畫一簞索金門書賦一通瑤華詩云崖蜜
嘗時臘正寒可能祛暑貯冰盤玉堂賦出三都雪芳潤
圖將素簞看宗匠千年席不寒尙書聲價果槃槃今朝
衣鉢傳能者豈與歐蘇兩等看

金門遣戍黑龍江有集杜三卷北征二百十首之五云
木雜古今樹千山空自多雪崖纔變石塞水不成河集
中年久木巧刮造化窟青看雨露柯猶含棟梁具生長
多變石

漫婆娑不見石與土

平塋皆沙塹無片土寸石管子所謂五塓

秋沙亦少泥

野人甯得所物理直難齊有客過茅宇清風獨杖藜古

苔生迨地須汝故相攜黃雀抱野栗驚呼熱中腸馬嘶

思故櫪鳥影度寒塘

布特哈諸城市馬每秋至聞黃豆辨兒雀聲輒馳歸故處

所向

無空闊追蹤恨渺茫喚人看駿裏吾亦離殊方羌父豪

豬帽煖蒙貂鼠裘食恩慙鹵莽供給慙誅求

索倫以打牲爲業身

足五尺者人徵貂皮一每楚勒罕時至軍府納貢貂餘聽市易向苦所司苛索近則生計日充

快馬金

纏轡眞珠絡臂韉忽看皮寢處談笑覓封侯

冬夏皆皮服人最驍

勇以從征立功名爲樂

降鹵兼千帳摧鋒皆絕倫射飛曾縱控嗜

酒見天真岌業土囊口參差虎穴鄰小兒強解事手自

與金銀

鄂倫春居山野易物不用銀錢或飲之酒輒得

不信手拈得奇趣橫生非

杜詩爛熟安能辨此

朱阿顛早游牂牁夜郎間浮洞庭涉湘漢兵防水利瞭
若指掌奇麗川中丞官貴州廉使時爲治刑名麗川有
臂上眉痕刀上雪用之不錯是英雄之句阿顛亟稱之
寄中丞詩回憶昔年依幕府知公心跡是良臣常將國
事爲家事偏愛詩人及酒人因避權門欣失馬欲拯災
戶竟批鱗伊誰疆吏能如此禍福無關肯致身主客蓋
至相得也曾平反大獄一夕出死罪七人吳枚庵云

阿顛感懷云家臨越女東來水人在夜郎西去山魚梁

江云江從獨樹腹中出人在兩山頭上行留別王笛浦
云銅鼓山前木葉殘圖甯關外暮雲寒可憐一片江南
月祇在天厓馬上看北門橋怨云風急城頭落木哀寒
鷗盡處夕陽開生憎一夜空江雨迸出秋聲萬里來山
行口號云翠色迎人雲外落泉聲挂雨樹中鳴夜郎山
色如圖畫忘卻天厓萬里行皆黔中作也其論詩不規
往迹抒寫襟靈子西山孝廉秉其教爲吳門後七子翹

楚

甲秀樓在貴陽城南浮玉樓上鄂文端平定諸苗立鐵
柱以旌武功乾隆丁酉朱阿顛之大方適陳星河招飲

甲秀樓不果往卻寄云城南幽勝接郊圻百尺樓高擁
翠微兩岸碧移春水動萬山青挾暮雲飛風香入座知
花綻日影沈林見鳥飛好景人生難再遇滿掄相賞竟
相違可以見沙洲九眼二水中浮之勝

吉林自設學校以科甲起家者自乾隆丁未進士馬維
馭惺庵始嘗以部員奉旨從軍出守淮安著有詩稿荆
南雜感云五溪蠻雨溼林昏曾擁貔貅十萬屯鼓嘯直
教穿戰壘鳥飛不敢度轅門陣雲暮起侵帷幄山月高
懸伴酒尊說劍談兵成往事而今賸得敝裘溫山城巖
業峙峰頭繞郭人家處處樓鳥道千盤難策馬峽飛幾

折不通舟蠻煙慘淡昏如墨宦況清貧冷似秋我工摩
厓懷健筆欲隨定遠覓封侯

凌次仲詩格清俊名理湛然以嘉慶己巳自杭歸歛卒
於紫陽書院無子遺一妾阮文達所贈也妾旣無所歸
猶戀戀惟側不忍去曾西井大令爲經紀其喪而并歸
其妾于其妾之父次仲佐謝蘊山詩云西魏書查梅史嘗
遇諸西湖至是輓以詩第三首云三十何爲者難爲牖
下情悲來歌當哭論定死猶生梵演無生法碑刊有道
銘陳雷風義古哀唱滿江城兼志西井之友誼也

沈景周讀戴金溪少寇遺稿云海內藏書無盡藏便便

腹笥抵書倉僅餘詩卷留千古親見先生目十行積案
紛紜牀左右揮毫點注墨淋浪每于未飯趨公急置袖
時聞餅餌香簡恪庚戌入詞垣改比部外擢監司晉屏
翰入掌邦禁性簡易無城府治官事如身事遇案牘如
讀書一日所見必盡而後已好天文厯算與歸安陳靜
安甘泉羅茗香往復討論而無所論說詩及長短句皆
有法度王述庵謂與許周生均以神童稱而不逮其兼
擅詞章非深知簡恪者也七夕立秋云空際神光仍費
巧定中敗葉早知秋送張子白宰鎮番云生世多情甯
忤俗及時行樂要同民亦復何減鑑止水齋及門吳晴